

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 8. De Ritu Carmelitarum.

urn:nbn:de:hbz:466:1-10805

§. VII.

De Ritu Prædicatorum.

ILlustrissimus Prædicatorum Ordo à Canonis Præmonstratensibus ut D. Augustini Regulam, ita & psallendi ritum accepit. Sed viri doctrinā, & sanctitate eximii eos usus in quibusdam mutarunt. Ad primam tres psalmos recitant: *Deus in nomine tuo*, *Beati immaculati*, & *Retribue*: diebus vero Dominicis à Septuagesima usque ad Pascha novem videlicet, *Deus Deus meus respice in me*, *Dominus regit me*, *Domini est terra*, *Ad te Domine, Judicame*, *Deus in nomine tuo*, *Dominus regnabit deorem induit* est, *Beati immaculati*, & *Retribue*: quo etiam tempore dicunt ad Laudes Psalmum 117. *Confitemini* loco Psalmi *Jubilate*. Reliquo anni tempore dictos psalmos, quos Romani distributos per ferias dicunt ad primam, isti omitunt. Martyrologium legunt post Laudes, sed cum Matutinum vespere diei praecedentis dicitur, tunc legitur post primam. In primis Vesperis solemitatum hos psalmos concinunt, *Laudate pueri Dominum*, *Laudate Dominum omnes gentes*, *Lauda anima mea Dominum*, *laudate Dominum quoniam bonus est Psalmus*, & *Laudate Hierusalem Dominum*. Hymnos Completorii variant pro ratione temporum, & in fine horarum semper dicunt Antiphonam, *Salve Regina*, & alteram de sancto Dominico cum quibusdam precibus. Extra Adventum, & Quadragesimam Officium feriale ter, vel quater in Hebdomada omittunt, recitant enim de S. Dominico, de sanctissimo Sacramento, de B. Virgine & de Sancto titulari Provinciae. A die Paschatis usque ad Trinitatem tribus Psalmis, quotidie Lectionibus nocturnas Vigilias perficiunt, quod post octavas Resurrectionis non nisi diebus Dominicis usque ad Ascensionem faciunt Præmonstratenſes.

§. VIII.

De ritu Carmelitarum.

IArmelitæ Breviarium habent secundum antiquam consuetudinem Ecclesiae Hierosolymitanæ. Hic enim Ordo pietate, & religione præstantissimus diu floruisse in O-

riente dicitur, antequam per diversas Europæ Provincias diffunderetur. Forum ritus non discrepant à Dominicanis, hoc dumtaxat excepto, quod diebus Dominicis per annum dicunt ad Primam Psalmum 117. *Confitemini*. In Dominicis item Adventus quinque psalmos ad primam aliis consuetis præmittunt, nempe 21. *Deus Deus meus*, cum quatuor sequentibus. Dominicis vero Septuagesimæ usque ad pascha ad Laudes, & primam eisdem psalmos recitant, quos Prædicatorum. Tempore paschali consuetos psalmos concinunt in nocturnis Vigiliis: tres autem psalmos dicunt solummodo per octavas paschatis, & Pentecostes. Sicut Romani, Preces longiores habent post quædam officia. In fine cuiusque horæ semper dicunt Antiphon. *Salve Regina*, cui tempore Paschali substituitur *Regina cœli*. Officia multa sanctorum habent cum elegantibus Hymnis, Antiphonis, & Responsoriis. Diebus Resurrectionis initio Vesperarum, omisso Versu *Duis in adjutorium*, cantant solemniter *Kyrie eleison* novem vicibus, sicut in Missa: quo ritu utebatur olim Romana Ecclesia, ut constat ex ordine Romano, & ex Ruperto Abbe: cumque legi in Breviario Præmonstratensi, & in antiquiori Breviario Ordinis Prædicatorum.

f. Rupert. lib. 8. de div. off. c. 2.

§. IX.

De ritu Lugdunensis Ecclesie.

SANcta Lugdunensis Ecclesia Galliarum Primatu insignis propriis ritibus utitur, quos S. Ireneum Episcopum, & Martyrem instituisse earum partium traditio est. Psalterium in ferias, & horas distribuitur more Romano, sed ad primam per Hebdomadam non nisi tres Psalmos recitant: *Deus in nomine tuo*, *Beati immaculati*, & *Retribue*: Diebus vero Dominicis novem, videlicet, *Deus Deus meus respice in me*, *Dominus regit me*, *Domini est terra*, *Ad te Domine, Iudicame*, *Confitemini*, *Beati*, *Retribue*, & Symbolum Athanasi, quod quidem Symbolum Primæ Dominicale omnes Ecclesie adjungere consueverunt. Dominica autem Sexagesimæ, & sequentibus Dominicis usque ad pascha duos priores psalmos ad Laudes mutant, & pro Psalmo *Dominus regnabit*, legunt Psalmum 50. *Miserere*, pro Psalmo *Jubilate*, Psalmum 117. *Confitemini*; atque ideo eodem tempore ipsum Con-